



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWEKUCALA LWEKWENGETA (FAL)**

**LIPHEPHA LEKUCALA (P1)**

**LWETI 2012**

**EMAMAKI: 80**

**SIKHATSI: 2 ema-awa**

**Leliphepha linemakhasi la-13.**

**TICONDZISO KULABAHLOLWAKO**

1. Leliphepha lehlukaniwe tigaba LETINTSATFU:  

SIGABA A:	Siviso	(30)
SIGABA B:	Sifinyeto	(10)
SIGABA C:	Luhlelo Nekusetjentiswa Kwelulwimi	(40)
2. Fundza tonkhe ticondziso ngekucopehela.
3. Phendvula yonkhe imibuto ngeSiswati.
4. Cala LESO NALESO sigaba ekhasini LELISHA.
5. Dwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengoba tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisisa sipelingi/lupelomagama nendlela lewakha ngayo imisho.
10. Siphakamiso sekulawulwa kwesikhatsi:  

SIGABA A:	Lokungenani emaminithi la-45
SIGABA B:	Lokungenani emaminithi la-20
SIGABA C:	Lokungenani emaminithi la-55

**SIGABA A: SIVISISO****UMBUTO 1**

1.1 Fundza ITHEKSTHI A bese uphendvula imibuto lebutiwe.

**ITHEKSTHI A****BUNGANI**

Uyaye uve bantfu batsi, 'laba bangematse nelulwimi', labanye ubeve batsi, 'Wo hhe! Laba batenta ngatsi bayatsandzana kantsi bayayengana'.

Lapha kusuke kukhulunywa ngebangani. Kusuke kwentenjani uma kutsiwa bantfu bangani? Ukhetfwa njani umngani? Kuyenteka kutsi uphile nemuntfu ucabange kutsi ngumngani mbamba kantsi yinyoka. Angimkhohlwa thishela wami lowatsi. 'Caphela mfana wami bangani lohamba nabo. Kujwayelana nebangani lababi kuyasona similo.' Angati kutsi bekabonani uma angecwayisa. Kwangisita kakhulu loko. Namuhla ngiyakwati kwehlukanisa tinhlobonhlobo tebangani.

Tilwane nato ngabe tinabo yini bangani? Ngiyaye ngitibone tihamba ngatimbili. Tingikhumbuta umkhumbi waNowa. Ngicabanga kutsi bungani bato bacala lapho. Ingani utfola inkunzi ihamba nenkhomati, siphongo sihamba nembutikati, lichudze lihamba nesikhukhukati. Sekuyangikhanyela kutsi lobungani bungulolunye luhlobo. Bufana nebungani bebantfu labashadile. Bantfu labashadile kumele bangavumeli muntfu angene emkhatsini wabo.

Bangani bakhetsana ngobe kukhona intfo letsite lebahlanganisako. Labanye baba bangani ngenca yemdlalo lebawudlalako, umsebenti lebawentako, nobe lesinye sikhatsi bavela endzaweni yinye. Kuhle kukhetsa bangani ngekuhlakanipha. Kuliciniso lelingeke laphikiswa kutsi nawuhlala nemuntfu lotiphetse kabi nawe batawutsi ufana naye. Nawuhlala nebangani labalungile utawugcina sewufana nabo.

Timbili tintfo letingentiwa bangani. Bangakukhuphulela emphumelelweni nobe bakufake enhluphekweni. Bangani labahle batakuyisa emphumelelweni. Batakusola lapho uphambuka khona. Bangakwakha bakusite uze ufinyelele etifisweni tenhliyo yakho. Labanye bungani babucala basesikolweni. Uabona babolekana emarula, balekelelana uma kugezwa emafasitela, baphana nemakhekhe, bahlale ndzawonye nasemadeskini. Lomunye umuntfu angatenta umngani kantsi uyakukhohlisa. Utawumtfolo ayishaya emuva ayishaye embili. Kuncono kwetsemba litje kunekwetsemba umuntfu lonjalo. Ngiyamtondza umngani longumngani ngobe kukhona lakufunako kimi.

Bantfu badzinga kwelulekwa ekukhetseni bangani. Emaphikankhani awatitsatsi tecwayiso. Ngekungalaleli umuntfu usuke utidvonsela emanti ngemsele. Labasha labaningi baze bavuleke emehlo uma imphilo yabo seyingena engotini. Loko kudala buhlungu nelusizi lolukhulu kubatali baloyo mntfwana lohlazisa batali bakhe. Akusikuhle kutsi uma batali bakudvonsa ngendlebe bese utsi "imphilo yami, beningekho ebusheni bami". Ngiko -nje uva labadzala sebatsi, "salakutjelwa sibona ngemopho". Labanye bangani benta ngatsi bayakutsandza kantsi bakufisela lokubi.

**CAPHELA:**

- Phendvula yonkhe imibuto ngemagama akho, ngaphandle kwekuba ucelwe kutsi ucaphune.
- Emibutweni ledzinga imphendvulo yinye, bhala inombolo yembuto ilandzelwe yimphendvulo.

- 1.1.1 Ngalokushiwo yindzaba yini leyona similo? (1)
- 1.1.2 Bhala tizatfu LETIMBILI letenta bantfu babe bangani ubhekise kuletheksthi lengenhla. (2)
- 1.1.3 Bhala tintfo LETINTSATFU letingentiwa bangani ubhekise kuletheksthi lengenhla. (3)
- 1.1.4 Kusuke kwentenjani uma kutsiwa:  
Bantfu bangematse nelulwimi? (1)
- 1.1.5 Ngumuntfu lonjani loyinyoka?  
Khetsa imphendvulo ibe YINYE.
- A Ngumuntfu lokufisela lokubi abe enta kwangatsi uyakutsandza.  
B Ngumuntfu lohamba njengenyoka.  
C Ngumuntfu lokhafulelana njengenyoka.  
D Ngumuntfu lokhuluma kahle. (1)
- 1.1.6 Kuncono kwetsemba umuntfu kunekwetsemba litje. Fakazela lombono ngeliphuzu LINYE. (1)
- 1.1.7 Chaza lenkhulumo lelandzelako:  
'Kuyishaya emuva uyishaye embili'. (1)
- 1.1.8 Kusuke sekwentenjani uma batali bakho bakukhetsela bangani?  
Sekela ngeliphuzu LINYE. (1)
- 1.1.9 Emaphikankhani angatisita njani uma sekatingenise engotini ngekulalela bangani? Nika emaphuzu LAMABILI. (2)
- 1.1.10 Lenkhulumo letsi 'imphilo yami, beningekho ebusheni bami' ngabe iyintfo lenhle yini kutsi umntfwana atjele batali bakhe? Sekela imphendvulo yakho. (2)
- 1.1.11 Ngabe **kuliciniso** nobe **ngumbono** yini kutsi uma unebangani lababi nawe ugcina ufana nabo? Sekela imphendvulo yakho ngemaphuzu LAMABILI. (3)

1.2 Fundza ITHEKSTHI B bese uphendvula imibuto lebutiwe.

### ITHEKSTHI B



[Siyakwati Kufundza Siswati Libanga 5, likhasi 11]

**CAPHELA:** Kulesibonwa kukhulunywa ngetifo letitsatselanako.

- 1.2.1 Sivame kuyibona kuphi imibhalo lenjengalena lebonakala kulesibonwa? Bhala tindzawo LETIMBILI. (2)
- 1.2.2 Nguliphi litiko leliphatselene naloku lokwenteka kulesibonwa? Usho ngani? (2)
- 1.2.3 Ucabanga kutsi yini tizatfu tekutsi letitfombe tilengiswe kuleto tindzawo? Nika emaphuzu LAMABILI. (2)
- 1.2.4 Ngekubuka lemibhalo lekulamaphosta sifundzani? Nika emaphuzu LAMABILI. (2)
- 1.2.5 Yini longayenta kuvikela labanye bantfu nangabe unesifo sesifuba? Nika liphuzu LINYE. (1)
- 1.2.6 Wena bewungasebentisa tiphi tindlela ekufundziseni bantfu ngetifo letitsatselanako? Chaza ngemaphuzu LAMATSATFU. (3)

[30]

**SAMBA SIGABA A: 30**

**SIGABA B: SIFINYETO****UMBUTO 2**

Kubenetimvula letinkhulu kulomnyaka lowengcile, kwabhedvuka sifo samalaleveva endzaweni yangakini. Bhala ngaloko lokumele kwentiwe kuvikela sifo saMalaleveva.

Fundza (ITHEKSTHI C) lengentasi ubhale emaphuzu lasikhombisa.

**TICONDZISO**

1. Sifinyeto sakho asibe ngemaphuzu LASIKHOMBISA labhaleke ngemisho legcwele lengengci emagameni la-70.
2. Nika emaphuzu akho tinombolo leticala ku-1 kuya ku-7.
3. Umusho MUNYE awumumatse liphuzu linye.
4. Sebentisa emagama AKHO.
5. Khombisa linani lemagama lowasebentisile kubakaki ekugcineni kwemphendvulo yakho.

**ITHEKSTHI C**

Malaleveva sifo lesiyingoti lesitfwalwa timbuzulwane bese tisifakela umuntfu natimunya ingati yakhe. Phela letimbuzulwane letitfwele ligciwane lalesifo titalela emacandza ato emantini lamile nobe lamadzala.

Hulumende usukumise umkhankhaso wekwecwayisa bantfu ngekuvikela kungenwa ngulesifo. Phela umkhankhaso losukunyisiwe wekufundzisa ubuye wecwayise ngetindlela tekulwa nalesifo.

Akuncishiswe linani letimbuzulwane ngekungavumeli kutsi kungabi nemadanyana lanemanti langageleti kwentele kutsi letinambutane tingakhoni kutfolala indzawo yekutalela emacandza. Phela bantfwana nabo bayatsandza kudlala nobe kubhukusha emadamini lanemanti lamile bese batfolala leligciwane lamalaleveva. Ngisho phela nemantana lamancane lasevilini lelidlala lelilahliwe angaba yindzawo yetimbuzulwane yekutalela emacandza.

Emanethi lasetjentiselwa kuvala umbhede lafutwe ngemitsi yekubulala timbuzulwane angasetjentiswa kuvikela lesifo. Loku kutawunciphisa lizinga lekufa kwebantfwana ngemaphesenti la-20. Lona ngumkhankhaso losungulwa nguRaymond Chambers kutsi lelo nalelo khaya liniketwe lamanethi. Nangabe lamanethi asetjentiswa kahle kulelo nalelo khaya singabona lizinga lekuphepha kumalaleveva likhula.

Kufutsa etindlini ngetibulalatinambutane kuyindlela lencono yekubulala timbuzulwane. Kumele kucikelelwe nakusetjentiswa lendlela. Akufutwe ngembi kwekutsi kulalwe kuleyondlu kwentele kutsi lomutsi lokufutwe ngawo ungagulisi muntfu. Akufutwe bese kuvalwa iminyango nemafasitelo kepha kuvulwe ngemuva kweli-awa kute nayo indlu iphefumule. Cikelela kutsi akufutwa ngembi kwekutsi kukhishwe konkhe lokudliwako endlini. Nangabe kwentekile kwafutwa kungakakhishwa titja nemabhodo, akugezwe ngembi kwekusetjentiswa. Phela umutsi lokufutwa ngawo uhlala sikhatsi lesidze lesingaba tinyanga letisitfupha.

Kumele lelo nalelo khaya libe netinsita telusito lwekucala. Loku kutawusita kutsi kwentiwe taba ngembi kwekutsi umuntfu longenwe ngulesifo futsi asekudzeni nemtfolamphilo akhone kusitakala. Ngemuva kwekuniketwa lolusito lwekucala, umuntfu akaphutfunysiswe emtfolamphilo ngekushesha.

Lenye indlela yekuvimbela lesifo kutsi umuntfu agonyelwe lesifo nangabe kungena lihlobo nakacabanga kuyovakashela tindzawo nemave lakhungetfwe ngulesifo. Umuntfu angagcoka timphahla temkhono lomudze kuvikela kulunywa timbuzulwane. Kugcobisa imitsi nemafutsa lenta timbuzulwane tingasondzeli nako kuyasita kakhulu.

**SAMBA SIGABA B: 10**

**SIGABA C: LUHLELO NEKUSETJENTISWA KWELULWIMI****UMBUTO 3: KUHLATIYA SIKHANGISI****CAPHELA:**

- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
- Emibutweni lenetimphendvulo letinyenti lokumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

**ITHEKSTHI D**

Fundza lesikhangisi (ITHEKSTHI D) lesilandzelako bese uphendvula imibuto lebutiwe.

# PHUMELELA MATEKULETJENI

## ngendlela lelula



**Nati tizatfu letibalulekile**

- ✓ Emakilasi mancane kute utfole kunakekelwa.
- ✓ Indzawo levikelekile.
- ✓ Siphakatsi nelidolobha.
- ✓ Sisedvute netitfutsi temphakatsi.
- ✓ Sinabothishela labacecshwe ngekwelizinga leliphakeme.
- ✓ Asinayo inyunifomu.
- ✓ Akukho titeleka, ngako- ke awuphazamiseki ekufundzeni.
- ✓ Ufola teluleko ngetemisebenti.
- ✓ Sinika litfuba kulabo bafundzi labasalele emuva etifundvweni tabo.
- ✓ Sinendlela yekukhokha imali kancane kancane.
- ✓ Uyakwati kubhalisela leto tifundvo lotifeyilile kuphela.

**Sinawo lamakilasi  
ilandzelako  
Libanga 10 , 11 nele- 12**

**Uyakwati kubhadala  
nje R75 ngeliviki  
ngaphandle  
kwekubhadala  
idiphoziti kodvwa  
kunemibandzela**

**TFUTFUKANI  
COLLEGE**

**Ibhaliswe neMalusi njengelikolishi leFET.**

**Emalahleni: 40 Commercial road  
(013) 79 55321**



- 3.1 Sitsini sicubulo salesikhangisi? (1)
- 3.2 Nika lokungenani TIMBILI tizatfu letingenta uphumelele matekuletjeni ngendlela lelula. (2)
- 3.3 Kungani sihloko salesikhangisi sibhalwe ngemagama lamnyama lamakhulu? (2)
- 3.4 Khokha umbhalo lonika siciniseko sekutsi lelikolishi lisemtsetfweni. Khetsa YINYE imphendvulo kuleti: (1)
- A Libhaliswe neLitiko Letemfundvo njengelikolishi leGET.
- B Libhaliswe neMalusi njengelikolishi leFET.
- C Libhaliswe neMalusi njengelikolishi letekulima.
- D Libhaliswe neMalusi njengelikolishi letemphilo. (1)
- 3.5 Sitfombe semuntfu lotfwele ticu futsi nalohlekako kulesikhangisi sikhombisani? (2)
- 3.6 Ngekubona kwakho nguyiphi lemibandzela yekubhadala idiphoziti lekukhulunywa ngayo kulesikhangisi? Sekela ngemaphuzu LAMABILI. (2)
- [10]**

#### UMBUTO 4: KUHLATIYA IKHATHUNI

##### CAPHELA:

- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
- Emibutweni lenetimphendvulo letinyenti lokumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

Fundza lekhathuni (ITHEKSTHI E) lesekhasini lelilandzeko bese uphendvula imibuto lebutiwe.

- 4.1 Efreyimini ye-1 kuneligama lelimele siphawulo. Khetsa YINYE imphendvulo kuleti: (1)
- A Lenkhulu
- B Kwemuntfu
- C Lomnandzi
- D Lomuhle (1)
- 4.2 Phindza ubhale lomusho lolandzelako kodvwa ucale ngekutsi, "Itolo ..." Mine ngisidzakwa kodvwa emanga ngiyawabona. (2)
- 4.3 Shano kutsi letento letibhalwe ngekucindzetelwa kulomusho losefreyimini ye-4 tikuyiphi indlela yesento. (1)
- 4.4 Phindza ubhale emagama ladvwetjelwe efreyimini ye-4 uwalungise. (2)
- 4.5 Yini lefakazela lenkhulumo yaMajobo letsi, 'Mine ngisidzakwa' kulekhathuni? Bhekisa imphendvulo yakho efreyimini ye-2. (2)
- 4.6 Ngewakho umbono liphephandzaba liwusita ngani ummango? Bhala emaphuzu LAMABILI. (2)
- [10]**

## ITHEKSTHI E

<p><b>IFREYIMU 1</b></p> <p>YeMajobo sewuvile yini ngendzaba lenkhulu yekuvuka kwemuntfu ekufeni?</p> <p>Uyabona wena Nyanisile ngumbhedvo lowo lowukhulumako!</p> <p><b>INGULA</b> Imihlola yesipoko!</p> 	<p><b>IFREYIMU 2</b></p> <p>Phela nemkakhe uyacinisa kutsi nguye mbamba, hhayi sipoko.</p> <p>Mine ngisidzakwa kodwa emanga ngiyawabona.</p> <p><b>INGULA</b> Imihlola yesipoko!</p> 
<p><b>IFREYIMU 3</b></p> <p>Mine ngete ngayimela lenganekwane yaNyanisile. Kuncono achubeke ayokhohlisa labanye, hhayi mine. <u>Vele emaphephandzaba anemanga</u>, ayasihunga kutsi siwatsenge.</p> 	<p><b>IFREYIMU 4</b></p> <p>Majobo wentiwa <u>kungafunzi</u>. Majobo uvuka adle bese utingelana netjwala. Phela indzaba nayi lapha ephephandzabeni. Ncono ngiye ekhaya ngicocele <u>maseko</u> uyise webantfwabami</p> 

[Isolezwe Indlovana 8, 2012]

**UMBUTO 5: IPHROZI****CAPHELA:**

- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
- Emibutweni lenetimphendvulo letinyenti lokumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

5.1 Fundza lethekesthi lelandzelako (ITHEKSTHI F) bese uphendvula imibuto lebutiwe.

**ITHEKSTHI F****TIDZAKAMIVA**

"Kulula Bhiza kwenta imali lapha esikolweni. Asewubuke nje kutsi sesiphetse imali lengakanani nyalo lesingatsenga ngayo live lonkhe!"

"Maye! Ngiyabavela labafundzisi besikolo ngaletintfombi letitsenga lensangu ngobe emantfombatane akabhemi. Ungasho Spiki, bafundzi basitsengele kahle letidzakamiva. Sengatsi sesitfole imakethe lengiyo mbamba ngobe bantfwana balesikolo sebatawuhlakanipha. Hhayi lokudlala besikwenta lapha kusi'May!"

Bacoca nje bolonkhaba bahleti ngekhatsi esitodlwani lesitsengisa kudla. Lapha bucalu kunendvodza leyiphuma ingena lapho kudlela khona lamajaha lamabili labeloku atishaya sifuba kutsi libhizinisi lawo liphuma embili. Abayinakanga bona ngobe ingumashanyela walapha kulesitodlwana, phela kulele kunye kube kubili ngabe kuyavusana kulabafana.


"Labafana kufuneka ngibeluse kuze kufike emaphoyisa. Nakanjani lamuhla bayolala babaliwe esitokisini," Kusho lendvodza lengumashanyela.

- |       |  |     |
|-------|--|-----|
| 5.1.1 | Phindza ubhale lomusho longentasi bese endzaweni yeligama lelidvwetjelwe ufaka mcondvofana walo lotfolakala etheksthini. Lapha bucalu kunendvodza leyiphuma ingena lapho kudlela <u>labafana</u> lamabili. | (1) |
| 5.1.2 | Sebentisa leligama lelidvwetjelwe emshweni lotakhele wona. Labafana lababili kufuneka <u>ngibeluse</u> .   | (2) |
| 5.1.3 | Bhala emagama LAMABILI langumfutiselo waleligama lelitfolakala kulethekesthi lengenhla 'kudla'   | (2) |
| 5.1.4 | Kulethekesthi lengenhla khokha umusho locuketse lesinongo lesilandzelako. Sihabiso.  | (1) |
| 5.1.5 | Sebentisa leligama 'sifuba' emishweni LEMIBILI likhombise tinchazelo letehlukene.  | (2) |

- 5.1.6 Khokha umusho kuletheksthi lengenhla lonelovelomagama. (2)
- 5.1.7 Uchazani lomusho lotsi 'kulele kunye kube kubili ngabe kuyavusana kulabafana' kuletheksthi. (2)
- 5.1.8 Uyavumelana yini nalomusho longentasi kutsi unemfundzisolite letsintsa imiva yalabanye? Sekela imphendvulo yakho. Sengatsi sesitfole imakethe lengiyo mbamba ngobe bantfwana balesikolo sebatawuhlakanipha. (2)
- [14]**

5.2 Fundza letheksthi lelandzelako (ITHEKSTHI G) bese uphendvula imibuto lebutiwe.

### ITHEKSTHI G



**Inkhulumo ye-1**  
Bantfwabami ngicela nibeke indlebe kulenkulumo lekulesidlalamakhasethi. Phawulani nikhulume ngaloko lenikuvile. Bhalani emanothi nifinyete lenkhulumo lekulesidlalamakhasethi.

**Inkhulumo ye-2**  
Maye! Kantsi bantfwana labangenabatali badla imbuya ngelutsi. Loku ngikusho ngemva kwekufundza indzaba lebuhlungu yebantfwana lebashonelwe batali .

**Inkhulumo ye- 3**  
Mine njengoba ngitsatsa emanothi ngicela ningitjele kutsi sitawuba yini siphetho salenzaba nekutsi bangasitakala njani labantfwana labangenabani. Bekuyoba lula futsi kube ngisebentisa ikhomphiyutha kubhala.

**Inkhulumo ye- 4**  
Phela kutsiwa unina walabantfwana bekalunge njengenkosi sibili futsi bekabanakekela bantfwabakhe. Sigcinatfumbu salabatali labashonile sifana neyise. Sikhutsele. Siyakwati kupheka umbhidvo.

[Letfwese Libanga 9]

- 5.2.1 Enkhulumeni ye-1 kunemusho lonesisho. Wukhokhe uwubhale phasi. (1)
- 5.2.2 Bhala mcondvophika waleligama lelidvwetjelwe. Ngicela kutsi ningitjele **siphetfo** salendzaba. (1)
- 5.2.3 Cedzela lomusho ngekufaka ligama lendzabuko. Kunemphilo kudla ...  
Khetsa YINYE imphendvulo kuleti.
- A Tibhidvo  
B Emanothi  
C Umbhidvo  
D Umgwaco (1)
- 5.2.4 Enkhulumeni ye-4 kunemusho lonesinongo senkhulumo lesisifaniso. Wukhokhe uwubhale phasi. (1)
- 5.2.5 Bhala ligama lethechniki lelisenkhulumeni ye- 3. (1)
- 5.2.6 Bhala ligama linye esikhundleni semagama ladvwetjelwe **Bantfwana labangenabatali** badla imbuya ngelutsi. (1)  
[20]

**SAMBA SIGABA C: 40**  
**SAMBA SAKO KONKHE: 80**